

13. maj 2014

UPA 2014/172
Saxtorph Didriksen

Inuiaqatigiit kissaataat tunngavigalugit nunap ilaani aatsitassarsiorfissanik inerisaaviusussanik pilersitsinissaq aammalu nunap ilaani allani avatangiisit, ilorri-simaarneq, inuussutissarsiutit pioreersut assigisaalluunniit tunngavigalugit aatsitassarsiorfigineqarusunngitsunik pilersitsinissaq pillugu oqallisissiamik saqqummi-usseqqullugit Naalakkersuisut peqquneqarnissaanik Inatsisartut aalajangiiffigisas-saattut siunnersuut. Oqallisissiaq innuttaasunik, soqutigisaqatigiinnik aalajangiisartunillu peqataatitsinikkut amerlasuunit akuuffigineqartumik oqallinnissamut toqqammaviusaaq. Oqallisissiaq 2015-imi upernaakkut ataatsimiinnissaq nallertin-nagu naammassineqareersimassaaq.

(Inuit Ataqaqatigiit Inatsisartuni gruppianni ilaasortat)

Siumumiit qulequtaq pineqartoq imaattumik oqaaseqarfigissuarput.

Nunatsinni nammineerluta aasap ullui takkukkaangata inuiaqatigiit pisinnaasortavut ilorrisimaarnissaminnut aammalu inuttut nukittorsartarfigisartakkaminnik peqartut amerliga-luttuinnartut qularnanngitsumik qangaanerusumut sanilliullugu ullumikkut periarfissaqartut ilisimallugulu nalunngilarput.

Taamaattumik aamma Siumumiit tunngaviusumik isumaqataanngilagut nunatta suli aatsitassarsiorfittut iluamik aallartisanngitsorluunniit nunaminertanik immikkoortsitsilereer-nissamik aatsitassarsiorfiunngitsumik peqalersitsinissatsinnik.

Ullumikkummi nunatta ineriartornissaanut suli aatsitassarsiorfiusinnaasunik iluamik iluanaarutaasunik aammalu nunatta innuttaasa suliffeqarnikkut iluaqutigisinnaasaannik ulluinnarni inuuniarnermikkut akissaatitigut iluaqutigisinnaasaannik oqareernitsituut suli aallartinnata nunaminertamik aatsitassarsiorfiunngitsumik immikkoortitinissamik pissutis-saqanngilagut.

Siumumiillu erseqqissartuarnissaa pingaartutut eqqaasitsissutiguassallugu pingaar-
teqartoq taanngitsoorusunngilarput.

Sumilluunniit aallartittoqaruni avatangiisinut inunnut uumasunullu peqqissutsimullu akornutaanngitsumik ingerlatsisoqarnissaa siunertaammat.

Taamannak naatsumik oqaaseqarluta qulequtaq pineqartoq ilalinnginnatsigu Siumumiit erseqqissaatigaarput.